




# 決定

- ✎ Ursula Nafula
- 🗣️ Vusi Malindi
- 💬 dohliam
- 🗨️ Cantonese
- 📊 Level 2




我條村要面對好多問題。村中剩係有一個水喉，我哋日日都要排長龍去打水。



我哋要等住第二啲人捐嘢俾我哋食。




我哋晚晚好早都要鎖住大門，因為驚賊入嚟。




有唔少細蚊仔未讀完書就停學。



後生嘅女仔被逼去到隔離村做女傭。




後生嘅男仔唔係成日喺條村度遊蕩，  
就係去人哋嘅農場度打工。



返風嘅時候，啲廢紙就周圍亂噉飛，  
掛喺樹頂同籬笆上面。





玻璃碎掙到周圍都係，好多人都被玻璃碎劃親。




終於有一日，水龍頭乾涸咗，大家接唔到水嘞。



我老竇逐家逐戶噉勸人，召集條村嘅居民開會。



大家聚到一棵大樹底下，準備開會。



我老竇企咗起身，話：「我哋一定要團結合作，解決我哋嘅問題。」



八歲嘅珠瑪坐喺樹幹上面，大聲噉就話：「我可以幫手清理條村。」



一個女人又企咗起身話：「我可以搵班女仔，一齊種莊稼。」



又有一個男人企起身話：「班男仔可以幫住打井。」





我哋異口同聲嘍就話：「我哋一定要改變我哋嘅生活。」由嗰日開始，大家都齊心協力，解決問題。



# Storybooks Canada

[storybookscanada.ca](http://storybookscanada.ca)

## 決定

Written by: Ursula Nafula

Illustrated by: Vusi Malindi

Translated by: dohlam

This story originates from the African Storybook ([africanstorybook.org](http://africanstorybook.org)) and is brought to you by [Storybooks Canada](http://Storybooks Canada) in an effort to provide children's stories in Canada's many languages.



This work is licensed under a Creative Commons  
[Attribution 4.0 International License](https://creativecommons.org/licenses/by/4.0/).